

Fwen Fuengzre Binghraq Sinhgvanh Binghdoeg

Binghraq Dingh Deng Mied

□ Vuz Yungzbingh

Riengz binghdoeg doxraengh,
Daengz mwh cei q youqgaenj;
Seizneix daengx guek caenh,
Gaenj dingj bingh soi haenq.

Haujlai gohyozgyah,
Caenndang ca fuengzceih;
Binghdoeg de ceihleix,
Ak ngeix ndaej daengz cienz.

Canghyw haujlai boux,
Haenqrengz youq itsienq;
Bauj sengmingh ancienz,
De gungyen cei q daih.

Doiq binghdoeg lah daeuj,
De cungj aeu fad roengz;
Suenq de cei q miz goeng,
Hoeng coengzlaiz mbouj angj.

Haemh de mbouj ndaej ninz,
Donq gwn mbouj an 'onj;
Vih bouxbingh ndei gonq,
Ok bonjndang goengliengh.

Ndek bohme h gag youq,
Hwnj couh buekmingh guh;
Dwgrengz hix mbouj nguh,
Geu buhhau mbouj duet.

Binghdoeg yienghmoq neix,
Gaenzgaeq youq hoengheiq;
Raeuz louzsim youh geiq,
Heiq maz hix mbouj lau.

Deng bingh rangh dauq doz,
Raeuz doxcaemh dingjhoenx;
Caezgya hwnjcoencoen,
Binghdoeg soenx deuz liux.

Gaxgonq sevei gaeuq,
Ngeix daeuj cungj ndeilau;
Miz bingh swheij bau,
Vunz daeuj lau haeuj gyawj.

Cijmiz sevei moq,
Diuz neix mbouj lau fanz;
Daengx biengz dangj mbouj nanz,
Mbouj fanz wj(mbouj) boux coengh.

Gungcanjdangj lingjdauj,
Gauj minzczu doxgiet;
Sevei moq mbouj yiet,
Vunz daegbied haeujcoengh.

Seizneix miz bingh rangh,
Cunghyangh cungj yawjnaek;
Lwgminz ninz ndaej ndaek,
Enjaek daeuj fuengzre.

Gij bingh rangh mbatneix,
Hix leixhaih ndeilau;
Gaenx yawhfuengz mbouj lau,
Bauj ndaej dangj banhlah.

Doiq sinhgvanh feiyenz,
Aeu cienzmienh fuengzgaemh;
Daihgya sim caezcaemh,
Naemj cawz binghdoeg bae.

Geiq ndawsim lo raeuz,
Okdou daep goujcau;
Vunz gaej luenh bae gyaux,
Fajfwngz bauj swiq seuq.

Ciuq iugouz roengz fap,
Cij mbouj lab banhlah;
Coh binghdoeg hoenx gaj,
Binghraq dingh deng mied.

Fwen Bouxbaetgai Cibngeih Ndwen

□ Vangz Civeij / 黄志伟



Bouxbaetgai ndwencieng
Sa(ceij) yieng rim henz loh
Gwnz haw labsab moj
Mohdoz lai gvaq vunz

Bouxbaetgai ndwenngieih
Nditndat meiz(miz) nengz mbin
Baet gai ndaej seuqcingh
Vunzlai bingh mbouj miz

Bouxbaetgai ndwensam
Hanh rim dangh gyaеuj vaq
Cingmingz moh lij nya
Doiq mbouj gvaq bohme h

Bouxbaetgai ndwenseiq
Ngeix daengz lwg caeuq yah
Lwg yah ndaem reihnaz
Mbouj ndaej gvaqbae bang

Bouxbaetgai ndwenhaj
Ndaw dah doh ruzlungz
Labsab seiqlengq bungz
Gungj hwet gip mbouj dingz

Bouxbaetgai ndwenloeg
Ngoenz doek fwn lailai
Aen gyaep mbouj ndaej hai
Baetgai mbouj ndaej daengx(dingz)

Bouxbaetgai ndwencaet
Ranzranz daet rong et
Bitgaeq daengjletlet
Gou lij bae gvet gai

Bouxbaetgai ndwenbet
Vunz lek haeux guh gau
Cibhaj ronghndwen hau
Dangj soengq gau hawj raeuz

Bouxbaetgai ndwengouj
Youq lajfaex yietnaiq
Rag aen ci naek lai
Yietnaiq le caiq guh

Bouxbaetgai ndwencib
Rib labsab bae coemh
Dieg labsab ok oenq
Dauq ngoenz laeng fat bingh

Bouxbaetgai ndwenit
Nit daengz raemx mbouj lae
Rumz boq doek mbawfaex
Bae baet mbat daihngieih

Bouxbaetgai ndewnlab
Rumz gab fwn lailai
Gwnz mbwn doek naefaiq
Baet gai mbouj yungzheih

Ah Gunh gyoengqde beij gou yawj ndaej singj, raen duzngwz baenq gyaеuj, caeux couh diuq roengzdaeuj, daj baihlaeng moh buet bae, yaep he couh buet ndaej gig gyaе lo.

Duzngwz neix nod daengz baihnaj mohgungj, dingz roengzdaeuj, lumjnaeuz rox 4 boux lwgnyez baihgwnz gaenq buetdeuz lo, lij dwg cienq doxdaug haeb boux lwgnyez gwih youq gwnz saecejrin ba!

“Ah Byauh! Ah Byauh mwngz lij mbouj vaiqdi buet?”

Ah Veij、Ah Gunh、Ah Giuh caeuq Ah Cang youq gizgyae heuh gou, gou faen mbouj ok dwg gij sing byawz, swngz duzngwz hung youq daizcae q baihnaj moh naemnaiq seiz, mbouj aeu gyoengqde daezsingj, gou hix rox yaek aeu bin roengz saecejrin buetdeuz bae, hoeng lumjnaeuz deng duzfanz dawz nei, saecejrin gae bga

·Sawcuenhvaez Lwgnyez·

Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

gou cingq buet, roxnyinh youq ndaw fwjmok buetfwf, cungj cingzgingj neix youq ndaw fangzhwnz raen cei q lai lo. Gou ciengzseiz loqraen miz duz iugvaiq naj heu heuj raez caemhcai q byoem nyungqnyangq he gwq gyaep gou. Gou gig lau, yaek hemq, youh hemq mbouj ok; yaek deuz, song ga lumj miz geij bak gaen naek, youh lumj faiq nei, unqnemnem, youh naekranran, ning mbouj ndaej hix yamq mbouj bae, hoeng iugvaiq gaenq youq baihlaeng gou iet fajfwngz

miz gij rib sam sei q conq raez coh laeng gyaеuj gou, gou nyinhnaeuz dai lo, dai lo, baezneix itdingh dai lo……

“Aiya……” Gou swenj sing he, gij gingj dangqnaj fwt baez bienq, bienq ndaej laepyaenz caemrwg, yienzlaiz ninz youq gwnz congz, daengx ndang hanh conh, sim diuqbubbub, baih byaidin cienz daeuj gij vah ienq daiq ngamq ndiu:

“Hemq maz, Ah Byauh ninz gvai gwq.”

Gou ningning song ga, lij

gungjgoz dwk, miz di mazmwnh, couh caeuq seizneix doxdoengz, unq-nemnem, mbaeumbengmbeng, saekdi rengz hix mbouj miz, gou baenzlawz mbouj rox aeu youq seizneix buetdeuz ne? Hoeng song ga gou mbouj dingqgangj, unqnemnem yo mbouj ndaej hwnj, cijndei bamq youq gwnz saecejrin, gag ngeix: Neix dwg youq ndaw loq ba! Moix baez fangzhwnz daengz yaek saetmingh seiz, mbouj dwg baez fanndang ndiu le bonjfaenh lij bingzan ninz youq gwnz congz lwi? Cei q lai deng bouxlaux ndaq saek coenz song coenz, aenvih de ninzcaem deng sing swenj gou hwk ndiu lo. Hoeng seizneix, aen loq neix baenzlawz lij caengz ndaej ndiu ne? Baihnaj baenzlawz lij bienq ndaej laepngaungau bae ne? Gij sing daiq ndaq ne?

(caengz sat)